



# Халқ сўзи

Ўзбекистон —  
келажаги  
буюк  
давлат

2024 йил — ЁШЛАР ВА БИЗНЕСНИ Қўллаб-қувватлаш йили

1991 йил 1 январдан чиқа бошлаган • WWW.XS.UZ • E-mail: Info@xs.uz • 2024 йил 3 июль, № 132 (8755)

Чоршанба Сайтимизга ўтиш учун QR-коднинг телефонингиз орқали сканер қилинг.



## ЎЗБЕКИСТОН РЕСПУБЛИКАСИ ПРЕЗИДЕНТИ ШХТ САММИТИДА ИШТИРОК ЭТАДИ

Ўзбекистон Республикаси Президенти Шавкат Мирзиёев Қозоғистон Республикаси Президенти Қосим-Жомарт Тоқаевнинг таклифига биноан Шанхай ҳамкорлик ташкилоти Давлат раҳбарлари кенгашининг навбатдаги мажлиси ва «ШХТ плюс» форматидаги учрашувда иштирок этиш учун 3-4 июль кунлари амалий ташриф билан Остона шаҳрида бўлади.

Саммит кун тартибидан ШХТ доирасидаги кўп қиррали ҳамкорликни янада ривожлантириш ва ташкилот фаолиятини такомиллаштиришнинг долзарб масалалари ўрин олган. Халқаро ва минтақавий ҳамкорликнинг муҳим жиҳатлари ҳам кўриб чиқилди.

Иигилиш якунида Остона декларацияси ҳамда иқтисодий, хавфсизлик, экология, энергетика, туризм ва бошқа кўплаб йўналишларда шерикликни кенгайтириш бўйича ҳужжатлар қабул қилиниши режалаштирилган.

Ташриф доирасида Ўзбекистон етакчиси хоржий делегациялар раҳбарлари билан қатор икки томонлама учрашувлар ҳам ўтказилди.

Ў.А.



## Ўзбекистон — ШХТ: ХАЛҚЛАР ВА ДАВЛАТЛАР ТИНЧЛИГИ ҲАМДА ФАРОВОНЛИГИ Йўлидаги ҲАМКОРЛИК

Ўзбекистон Президенти Шавкат Мирзиёев 3-4 июль кунлари амалий ташриф билан Остона шаҳрида бўлади ва Шанхай ҳамкорлик ташкилоти (ШХТ)нинг навбатдаги саммитида иштирок этади.

### Саммит олдида

ШХТ 2001 йилда тузилган минтақавий халқаро ташкилотдир. Ўзбекистон Қозоғистон, Хитой, Қирғизистон, Россия ва Тожикистон билан бирга ташкилотнинг асосчиларидан бири ҳисобланади. Бугунги кунда ШХТга тўққиз давлат аъзо. Бундан ташқари, уч давлат унга кузатувчи сифатида қўшилди, 14 давлат ташкилот билан мулоқот бўйича ҳамкорлик мақомига эга. Бу ШХТнинг ўтган йиллар давомида нуфузи ва халқаро сиёсатдаги роли ҳозирги мураккаб геосиёсий шароитда мустаҳкамланиб бораётганидан далolat беради.

Бугунги кунда ШХТга аъзо давлатларнинг умумий майдони 34 миллион километр квадратни, яъни Евроосиё китасининг 60 фоизини ташкил этади. Аъзо давлатлар аҳолиси 3 миллиардга яқин ёки Ер юзи аҳолисининг қариб 42 фоизига тенг. Шунингдек,

3

## ИНСОН ҲУҚУҚ ВА ЭРКИНЛИКЛАРИНИ ҲИМОЯ ҚИЛИШДА МАНФААТЛАР МУВОЗАНАТИ

Олий Мажлис Қонунчилик палатасининг навбатдаги мажлиси бўлиб ўтди. Унда дастлаб мажлисга раислик қилувчи қуйи палата Спикери ўринбосари У. Иноятов ўтган ҳафтада мамлакатимиз ижтимоий-иқтисодий ва ташқи сиёсий ҳаётидаги муҳим воқеаларга тўхталиб ўтди. Жумладан, 1992 йил 2 июлда қабул қилинган «Ўзбекистон Республикаси Давлат герби тўғрисида»ги Қонуннинг аҳамиятига эътибор қаратилиб, унда Давлат герби мамлакатимиз мустақиллигининг рамзи экани белгилаб қўйилгани алоҳида қайд этилди.

### Олий Мажлис Қонунчилик палатасида

Шунингдек, мажлисда судларда ишларни кўришда қонунийликни мустаҳкамлашга, етим болаларни ва ота-она қарамоғидан маҳрум бўлган болаларни ижтимоий жиҳатдан ҳимоя қилишни кучайтиришга, тергов ва суд жараёнида иштирокчиларнинг ҳуқуқ ва эркинликларини замонавий ахборот-коммуникация технологиялари ютуқларидан фойдаланган ҳолда самарали ҳимоя қилишга, космик фаолият соҳасидаги муносабатларни тартибга солишга, махсус иқтисодий зоналарни бошқариш тизимини янада содда-лаштиришга, аҳолини шовқиннинг зарарли таъсиридан ҳимоя этишга, коммунал тўловларни суд

орқали ундиришда қулайликлар яратилганда доир қатор қонун лойиҳалари кўриб чиқилди.

### Прокурор қандай ҳолатда протест келтириши мумкин?

Мажлисда «Ўзбекистон Республикасининг айрим қонун ҳужжатларига судларда ишларни кўришда прокурорнинг ваколатларини таъминлашга қаратилган ўзгартириш ва қўшимчалар киритиш тўғрисида»ги қонун лойиҳаси иккинчи ўқишда модда-модда кўриб чиқилди.

2

## ЮКСАК ИШОНЧГА МУНОСИБ БЎЛИШ МАСЪУЛИЯТИ

«ПАРИЖ — 2024» МУСОБАҚАЛАРИДА ҚАТНАШАДИГАН ҲАР БИР СПОРТЧИ ҚАЛБИДА ЖЎШ УРИБ ТУРИБДИ



Пойтахтимиздаги Олимпия ва паралимпия шон-шухрати музейида Франциянинг Париж шаҳрида июль-август ойларида бўлиб ўтадиган XXXIII ёзги Олимпия ўйинларида иштирок этадиган Ўзбекистон спорт делегациясини кузатиш маросими бўлиб ўтди.

Тадбирда Ўзбекистон Республикаси Олий Мажлиси Сенати Раиси Т. Норбоева, Осиё Олимпия кенгаши вице-президенти О. Умаров, Давлат хавфсизлик хизмати раиси, Ўзбекистон футбол ассоциацияси раиси А. Азизов, Ўзбекистон Республикаси спорт вазири А. Икромов, Миллий олимпия қўмитаси бош қотиби О. Қосимов ва бошқа расмийлар қатнашди. Таъкидланганидек, янги Ўзбекистонда кейинги йилларда спортни жадал ривожлантириш, спортчилар учун за-

монавий шарт-шароитларни яратиш давлат сиёсати даражасига кўтарилди. Сўзга чиққанлар жорий ёзги Олимпия ва Паралимпия ўйинларида спортчиларимиз берилмаган эътиборга муносиб бўлиб, шохсупаларнинг энг юқорисидан жой олишига, юртимиз байроғини кўларга кўтаришига ҳамда давлатимиз мадҳиясининг баралла янграшига ўз ҳиссасини қўшишига ишонч билдирди. Тўрт йилликнинг энг нуфузли спорт анжумани — Олимпия ҳамда Паралимпия

мусобақаларининг мамлакатимиз номи, нуфузи ва шарафини дунёга танитишда аҳамияти беқиёс. Шу боис мазкур тадбирларга пухта ҳозирлик кўрилиши Президентимизнинг доимий диққат марказида туради. Жумладан, давлатимиз раҳбарининг 2021 йил 5 ноябрдаги «2024 йил Париж шаҳрида (Франция) бўлиб ўтадиган XXXIII ёзги Олимпия ва XVII Паралимпия ўйинларига Ўзбекистон спортчиларини комплекс тайёрлаш тўғрисида»ги қарорига мувофиқ ушбу жаҳоншумул мусобақаларга спортчиларимизни тайёрлаш дастури қабул қилинди. Спортчилар учун ҳамма қулайликни яратиш бўйича кенг қўламли чора-тадбирлар кўрилди.

3

### Ифтихор

## ОҚ ЙЎЛ

Чақмоқ каби чақнадингиз, тошдингиз-ку мисли сел, Марди майдон курашдир бу — тушянарсиз боғлаб бел, Дуо билан кузатмоқда сизни бугун катта эл, Зўрлар ичра энг зўр бўлиб, масрур, голиб қайтингиз, Шода-шода медалларни юртга олиб қайтингиз.

Чил берсам, дер ҳар элатнинг эпчил-чаққон, қувлари, Қувват бўлгай сизга Ватан тафти, ҳаво, сувлари, Эй, элимнинг шердай йигит, кийикдай сулувлари, Шохсупага сакраб чиқиб, бахтдан ёниб қайтингиз, Шода-шода медалларни юртга олиб қайтингиз.

Бошингизда ялов бўлсин Ўзбекистон байроғи, Маҳфиямиз мавжларига тўлсин Ернинг ҳар ёғи, Саодатдан мижжангизга томчи ёш қалққан чоғи — Толе, иқбол шарбатига қониб-қониб қайтингиз, Шода-шода медалларни юртга олиб қайтингиз.

Дилбандим дер сизни суйиб олим, ишчи, чўпон ҳам, Тикилгайдир сизга атаб шойи, зарҳал чопон ҳам... Қойил, десин, олқишласин фаранг, оломон, ёпон ҳам, Рақибларнинг дилларига армон солиб қайтингиз, Шода-шода медалларни юртга олиб қайтингиз.

Эй, Сиз — Олимп чўққисига чилвир отган баҳодир, Сунячиқдир ортингизда ҳар қадрдон тоғ, адир, Танангизда мард боболар тоза қони оқадир, Неки ғирром, неки эри бўлса — тониб қайтингиз, Шода-шода медалларни юртга олиб қайтингиз.

Олтин, кумуш ҳарфлар ила ёзилгайдир бул сана — Сиз туфайли ҳар бир уйда бўлса тўю тантана. Юртбошининг ишончини, меҳрини оқлаб яна, Қувонтириб бутун халқни ҳам қувониб қайтингиз, Шода-шода медалларни юртга олиб қайтингиз!

Нодир ЖОНУЗОҚ

## ПАРЛАМЕНТЛАРАРО МУЛОҚОТ БОШҚА СОҲАЛАРДАГИ АЛОҚАЛАРДА ҲАМ МУҲИМ АҲАМИЯТГА ЭГА



Олий Мажлис Сенати Раисининг биринчи ўринбосари Содиқ Сафоев Саудия Арабистони Шўро Кенгаши «Саудия — Ўзбекистон» парламентлараро дўстлик қўмитаси раиси Муҳаммад бин Абдулазиз ал-Жарба бошчилигидаги делегация аъзолари билан учрашди.

### Учрашув

Унда мамлакатларимиз ўртасидаги дўстона муносабат ва ўзаро манфаатли ҳамкорликни янада кенгайтиришга ҳисса қўшишга таяёрлигини билдирди. Унинг қайд этилишича, парламентлараро алоқалар нафақат сиёсий мулоқотни, балки иқтисодий, маданий ва гуманитар соҳалардаги ҳамкорликни ҳам ривожлантиришда муҳим аҳамиятга эга. Мулоқот чоғида икки мамлакат ўртасидаги муносабатлар БМТ, Ислам ҳамкорлик ташкилоти каби нуфузли халқаро ташкилотлар доирасида изчил ривожланиб бораётганини алоҳида таъкидланди. Учрашувда икки томонлама муносабатларни, хусусан, парламентлараро алоқаларни янада кенгайтиришга қилиб олинди.

«Халқ сўзи».







